



Uhapšeno šest osoba zbog zločina u Bužimu

Državna agencija za istrage i zaštitu (SIPA) uhapsila je šest osoba zbog sumnje da su počinile ratne zločine na području Bužima, javlja BIRN. Zijad Nanić, Esad Kudelić, Nedžad Bapić, Senad Salkić, Samir Isaković i Hasan Mustafić uhapšeni su zbog sumnje da su 1994. i 1995. počinili ratne zločine protiv civila i ratnih zarobljenika na području Bužima. Oni se sumnjiče da su u periodu od novembra 1994. do augusta 1995, u improvizovanom zatvoru u bivšem hotelu Radoč, općina Bužim, učestvovali u mučenju, silovanju i nečovječnom postupanju prema pripadnicima Vojske Republike Srpske, Narodne odbrane autonomne pokrajine zapadna Bosna, te civila. Prema Tužilaštvu, Zijad Nanić je bio pomoćnik komandanta za bezbjednost 505. bužimске brigade Petog korpusa Armije BiH, Esad Kudelić komandir voda Vojne policije u komandi 505. brigade, a ostali su bili vojni policajci.